



partii naleraq

UKA 2015/153-01

11.11.2015

Kalallit Nunaanni aningaasaqarnikkut inatsisaasut naleqqussarnissaannut peqqussutitut arlalinnut Namminersorlutik Oqartussat oqaaseqaatissaat pillugit Inatsisartut aalajangiussassaattut siunnersuut.

(Inuussutissarsiornermut, Suliffeqarnermut, Niuernermut Nunanullu Naalakkersuisoq)

Kalallit Nunaanni aningaasaqarnikkut inatsisaasut naleqqussarnissaannut peqqussutitut arlalinnut Namminersorlutik Oqartussat oqaaseqaatissaat pillugit Inatsisartut aalajangiussassaattut siunnersuut Partii Naleqqamiit imannak oqaaseqarfigissuarput.

Suliap saqqummiunneqarnerani tungavilersuutit takutippaat inatsisartut upernaakkut 2015-imi ataatsimiinitsinni sulianik ukuninnga UPA 2015/96, aamma UPA 2015/107 inatsisartuni akuersissutigineqarnerannut atatillugu, siunnersuut una Peqqussutitut aningaasaqarnermik suliaqarfiusumi nunani tamalaani inatsisiliornernut kingullernut nunatsinni aningaasaqarnermut inatsisinut naaleqqussaanissamik siunertaqartoq.

Ullumikkutut pissutsit ikkallartillugit inatsiserpassuit allangortinnissaannut nunatsinni aningaasaqarnermut inatsisaasut aningaasaateqarnissamik piumasaqaammik peqqussummut (CRR-imut peqqussummut) naapertuuttunngortinnissai aamma pisariaqartoq siunnersuummi oqaasertaliussat ilaanni allaaserineqarpoq, aammalu Danmarkimisulli Kalaallit Nunaannut maleruagassanik assingiinnik atuutitsinissamik qulakkeerissalluni.

Aamma Kalaallit Nunatsinni unammillersinnaassusilimmik aningaaseriveqarnerup attatiinnarnissaanut tamanna pisariaqarpoq.

Tassa naatsumik oqaatigalugu pissutsit taamaakkallartillugit allannguutissatut siunnersuutit saneqqukkuminaapput.

Taama naatsumik oqaaseqarluta aaliangiiffigisassatut siunnersut taperserparput, pisariaqassappallu ataatsimiititaliami susassaqtumi suliarineqarnissaa inassutigalugu.

